

## Иракълизивадси гІяжІял

МАШГЪУРСИ ГІЯЛИМ, БАГЪДАДЛА УНИВЕРСИТЕТЛА ИСЛАМЛА ДИННИЧИ БИРХАРАХЪНИЛА (АКЪИДА) ФАКУЛЬТЕТЛА ПРОФЕССОР, ДОКТОР ГІЯБДУНАСИР АЛЬ-ЖАНАБИЛА ДУГЪАБИЗ

АссаламуГІялайкум ва ряхІматуллагъи ва баракату!

БегІ гъалабси яргалис теологияла ва халкъани-ургарти бархбасунала ректор Макъсуд-хІяжис ва илала кумекчибас, жумягІ бархІила БекІ мижитла имам МухІяммадрасул-хІяжис, дяхІ шалали гъунибаъни багъандан, баркалла багъахъес дигулла. ХІушала ванзаличив Аллагълизивад урухІуси ва дурхъаси шейх СягІид-афанди левнилис хІуша уркіи-уркіларад мубаракдирулла. Иличил гъуниваес набра игъбарла пай баиб. Валлагъ-рагу, ил адам ЧевяхІсила ﷺ бегІлара бунагъагарти дугъазивад ца сайри ва нуни хІуша жидирулла илала насихІятунни ва хъарбаркъуни тамандирахъес.

Атабаев Сайфутдин,  
Дагъиста Исламла Университетла  
преподаватель



Иракълизибти хІушала узбала хІушаб саламти дурулла. Илди гъанна, Америкала гъармукабази-бад улка азадбатахъес багъандан, бургъули саби. Илдани хІушаб балга бирули саби ва чусра хІушала балгни гІягІнилис сари.

ИшбархІи нуни хІушази бурес дигулла, Иракълизибциун ахІи, бусурмантала лебил-ра дунъяличибра челукуси масъалали-чила. Ил – фанатизм ва экстремизм саби. Дурхъаси Къуръайзив Аллагъ ﷻ викиули сай: «Нуни хІуша ургабси умматли дета-хурлира, хІуша хІушаб гъалаб лебтачила бикърили кадизахъес ва Аллагъла Расул ﷺ хІушаб бикърили виахъес».

Ислам – лерил секІайзиб дазу биахъес махбикІуси дин саби: Аллагълис ﷻ суждаличи калзнилизиб, амру бихнилизиб, баркъ-бацлизиб. Марлира, фанатизм нушала динничи, МухІяммад Идбагла ﷺ

Суннатличи гъеч лайикъли ахІенси анцІбукъ саби, ил сунезиб бекІлала урехи лебси агъу саби. Илини адам Исламлизивад дуравшесра асубиар. Аллагъла Расулли ﷺ буриб: «ЧевяхІисилис ﷻ лебилра дунъя алхни гъалаб саби, бусурман адам кашниличиб». Саби чинаб биалра, бусурмантачиб чебси саби чула умуси динна бехІбихъудличи дугъабизес ва чула бунагъагар ГІялимтани дурибти насихІятунни тамандирес. Фанатизм даклубиъналис сабабтазибад цали бетаур Советский Союз пашбехъни, илис гІергъи дунъя пашалбиуб. СССР пашбехъубли гІергъи Америкали сунес сагаси душман пикри вариб. Ва лерил-ра секІал ил Иракъличи чебухъи гІергъи дехІдихъиб. Халал Бушли бархъаначи буриб, ил дяв динанала саби или. 2003-ибил дусли-

зиб, Америка Иракъличи чебухъунхІели, виштІал Бушли ил динанала къуллукъ-лизи халбариб. ХІякъикатлизиб Америка – лебилра дунъяличирти фанатизм ва экстремизм гІердурцуси цІакъ саби. Баягъи фанатизм сабабли биъниличибли сабри душманти декІар-декІарти улкна-чи, цабутІаван Пакистайчи чебухъунти, Америкализиб Къуръан цІали бигубси. Илис гІергъи дунъяла прессалис Ислам террорличил, хІи картІниличил, къяркъ-дешличил мешубурцес имканбакІиб. Иличибли илдани чула террорличи, экстремизмичи ва бархъагардешличи дунъяла жамигІятла пикри хІярхІбариб. Нушани камли бикъулла Израильли Палестинала ванзурби дуцниличила, Ирак ва цархІилти улкни Америкала гужниур дигъниличила.

### Номерлизир:



Багъуддуми – Исламла рух



ДехІбайчир дарес гІягІнити баркъуддуми



Сегъунти дирара бунагъуни?

## Вагъабизм — 21 ибил векла балагъ

ВАГЪАБИСТУНИ ЧИХЪАЛИ САБИЛ ВА СЕКЪЯЙДА БАГЪЕС ВИРАРАЛ БАЯН

АсхІаб Жарбаев

ИшбархІи дунъяличив вагъабистунала бидгІябачила ва илдазирадли кадиркути бала-гъуначила бакъІебакъибси адам кали хІергар. Амма гъарилли вагъабистуни бусурмантазибад декІарбарес хІейрар. ЦацабехІти бусурмантас гъанбиркули саби вагъабистуни дин умубарес бузути саби или.

Адамтани гъаман хъарбиу вагъабистуни чихъали сабил, илди агълу суннатличибад (Идбагла ﷺ, илала асхІябтала, ва дурхъати ГІялимтала, имамтала гъуйчи кабизурти (бусурманти) секъяйда декІарбарес виларал. Вагъабистуни Къуръа, хІядисла бархъси мягІна букъбулгути адамти саби, чула бекІлизи бакІибси, чус гъанбикибси тяхІярличил илди шурдалтули. Илдани гъаман балкІли Къуръа, хІядисла мягІна баянбиру, яра чучи къаршили дакІести аятунни ва хІядисуни ахтардихІедарили далта. Чула бидгІябачи къаршити хІядисуни къарши-

дикалли, илди зягІип хІядисуни сар или дархъдалта. Къуръа, хІядисунала мягІнурби далкІли баяндирули, илди бикІули саби Аллагъла биркІанти, къяшми, някъби лер или, Аллагъ ГІяршличи кайъибли сай или, Аллагъла Расули шафагІят тиладибарни куфру, ширк саби или, Идбагла ﷺ хІябличи арукъес асухІебирар или, адамти гъуйчибад чеббалкІи саби Идбаг ﷺ гъаман гапвирни багъандан или. Идбагис ﷺ «сайиудна» или алли, куфрулизи виркур или. Идбагла хІябличи шурухъи, Аллагълис балга дугІябируси адамра ширк, куфрулизи виркур или.



## Дагъистайзиб Исламла гилмула цаибси библиотека

Июньна 5-личиб Мяхъячкъалала шагъарла Ахъушан Пялихъяжила училилси проспектизиб мерлабиубси имам Шамилла училилси мижитлизиб Дагъистайзиб цаибси Исламла гилмула библиотека абхънилис багъишлабарибси мавлид дураберкиб. Илизир бутлакъяндеш дариб исламла вузанала ректортани ва преподавательтани. Дурхъаси ил мажлисла бехлибхъудлизиб ил проекта руководитель Мухъяммад-хъяжи Мяхъяммадовли цалабикибтази илгуна библиотека абхънила мягъичебдешличила буриб ва Дагъиста динна лебилра гялимтала хъул гямрулизиб бартаахъес кумекбарибтас баркалла багъахъур. Библиотекализи цаладяхъили лер Исламла правола авалра школала литература: имам абу-Ханифала, имам Маликла, имам аш-Шафигила ва имам Гяхимадла.



Ишаб леб урус мезли ва миллатунала мезли дураибси Исламла литература. Ил балкъаахъургани бурни хъасибли, библиотекализибси литература челис че имцабикилар ва сагабикилар. Библиотека дунъяличирти халатигъунти Исламла библиотекабала электронный журабачилра балкъаахъурли саби, ила башутас кункли биахъес багъандан, библиоте-

кализибси бучлантала заллизи халаси хъярхъдешличилиси Интернетра кили саби. Ил библиотекала кумекличил исламла вузанала, восток руркънила, Ближний Востокла историяла факультетунала студентунала ва выпускникунала чула багъудлума чедирицахъес, динна ва гуманитарияла гилмуртала черкад деклар-декларти хъялумцлаби дурадурклес имканти алкан.

## Макъсуд-хъяжи Садикув кавшиб



Июньна 7-личив бархъехъ, жамигъятла ва динна машгурси хъаракатчи, дин руркънила ва халкъани-ургарти бархбасунала Институтла ректор Макъсуд-хъяжи Садикув кавшиб. Иличил варх алхун шоферли узуси сунела рузила урши Гяхимад Мусаевра. Такъсир ректорла хъа мякълаб сабри дураберкибси. Мяхъячкъалал шагъарла жумягъла бек мижитлизиб бархъехъла дехлибала дарили, Макъсуд Ибнухъажарович хъули чарулхъурли. Чебиуйчи мешули, такъсирчибас ашкарли буили саби ректорла автомашина дебшлабарибси бигъни, ил багъандан Макъсуд-хъяжи сунела рузила уршиличил машинализивад дураухъунхъеле сарри къяйкла тлама адердибти. Келра илди лебси мерличиб таманкабиб.

## ИТИМО-ла сагаси ректор

2011-ибил дула июньна 10-личив теологияла ва халкъани-ургарти бархбасунала Институтла гялимтала тинтис советличи, вузла сагаси ректорла къулукъличи ил вузла проректор Мансур Зайнулгябидовли гъалабихъибси Мяхъяммадсаягид Садикувла кандидатура къабулбариб. ИТИМО-ла сайтлизиб балахъули къяйда, ректор ветаур. ИТИМО-ла ректорли М.Садикув викинила хъекълизибси гялимтала советла хъукму гяхили чебаиб Дагъистан Республика муфтий Гяхимадхъяжи Гябдуллаевлира. Муфтийли Мяхъяммадзагъид Ибнухъажаровичли сунела сагаси бузерилизир сабур, цакъани ва Чевяхъсила шайзибаси ряхъимат далгун. ИТИМО-ла сагаси ректор гъалавван кавшибси Макъсуд Садикувла даргла узи сай.



## Сихъру дирни хъярамси саби

Дархибти манзилтазиб гъар-мурталраван, гъанна-ра, хъамхъа ва цархилти нядешуни къяйдали, чеди дурабикили саби сихърукъяби ва жура-журала «караматчиби». Дахъал газетабазир делчес вирар сихърукъябачила, пал буршантачила, гъалахили секлал балутачила багъахъниби. Гъайгъай, илдачи дугъабилзутира леб. Илди саби чула гядатла гямурула бетуц буунти, жягъялла гямуруличи умут беткахъахъибти адамти.

Ислам Хъямзатов  
islam\_gamzatov@mail.ru

Исламли илдигъунти жяргадешуни гъеч къабулдирули ахлен, сенахленну сихъру дарибси адам капуртази кархуси сай ва иличи се хлерил якъинни саби. Баягъи шайтлай саби адамти сихъруличи бяхъичиуси. Къуръайзиб бурили саби (мягъна): «Шайтунти капуртази кадерхурли сари ва илдани адамти сихъруличи руркъули саби» (сура «аль-Бакъара», аят 102). Ашкарливан, шайтлай чи-биалра сихъруличи бурсиварес багъандан, адамти динничибад гъарахъбикахъес ва ширклизи бикахъес белгити дугъби ва баркъудлума лерти сари. Цархилван буралли, сихъруличи бурсивиэс багъандан, «адабдеш шайтлайс дицес» гягъичи сари. Исламла къанунти хъасибли, цархилти адамти капурдешлизи каберхахъни багъандан халаси танбихъи лебси саби. Гумар-асхъябла замана, Аллагъ разивиабну сунечи, лебилра сихърукъяби хъябирхъбатесли хъукмубарибсири. Вагъаб ибн Мунабагъли бурибси саби: «Нуни ца жузлизиб белчунра Аллагъли ибси: «Сихъру дарибси, сунес сихъру дарахъес или вакъибси, илкъяйдали, секлал гъалахили бурибси ва сунела челябкъалачила бурахъес вакъибси Дила ахлен».

«Хъябал журала адамти гъачамалра Алжанализи ахъебицур: тухумдеш хъедузахъуси, держлукъ ва сихъру дархъсиллизи халдирули, илдачи вирхуси». Хядислизиб бурили саби: «Сихъру дирни – ширк саби». Ширклизи, илкъяйдали, буйгъуси саби тавлатра (сихърула жура) – сихърударили хъунул адамлара мурул адамлара дигай дихъахъес гужбарни. Хъера, сегъуна урехи хлерил жура-журала сихърукъябачи, пал буршутачи, челябкъла «чебиутачи» ва цархил журала макрукъябачи бирхути адамтас. Буриливан, гъачам сихърукъябачи, пал буршутачи, челябкъла «чебиутачи» ва цархилти макрукъябачи дугъаизурси адамла дехлибала 40 бархъи къабулдирути ахлен. Имамли Хаттабалис ихтиярбарибси саби, балагъуназивадр анцкъибазивадр сай верцахъес багъандан, Аллагъла уличира Къуръанна аятуначира хъарихъахъес. Гъачам Жабрагил малаикли Аллагъла Расуллизи бурибси сай чиди-саял жугъутли, сунес вайбарес сихъру дирули сай или. Аллагъла Расулли Къуръаннизиради «Ал-Фалакъ» ва «Нас» сурабачил илала кла заябиахъубси сай. Нушабра диргалахъедулхъи, гъар-журала «сихърула» асуртазирад мяхъкамдирес багъандан, илди сураби имцъаливан тикрардирахъеллири. «Аль-Къалам» сурализибадси 51 ибил аятли хъулиагнилизивад мяхъкамуруси сай. Илкъяйдали «Аль-Бакъара» сурализибад лебтанилра балуси аль-Курси аят белчлинира гяхили чебиули саби. Ил багъандан, нушани Чевяхъси гъаниркахъулра ва гъарил дехлибайс гьегъи азкарти дирулра. Идбагли дурхъинала дурхъни Хъясан ва Хъусен шайтлайзибад ишдигъунти дугъбачил мяхъкамбарибтири: «Агъузукума би калимати Ллагъи тамматин мин кулли шайтаннин ва гъамматин ва мин кулли гъайнин ламматин». Нушабра илала гьибрат диргалахъебулхъи. Лерилра къадагъадарибтазирад ва лайикъагартазирад хъуша Аллагъли мяхъкамдарабая.

**Учредитель**  
Благотворительный фонд «Путь». Газета печатается по согласованию и одобрению Духовного управления мусульман Дагестана

**Редакционный совет**  
Председатель редакционного совета муфтий РД  
Ахмад-хаджи АБДУЛАЕВ  
заместитель муфтия РД  
Мухаммад ДАВУДОВ

**Главный редактор**  
Айна (Патимат) ГАМЗАТОВА

**Редактор**  
Ислам ГАМЗАТОВ

**Канонический редактор**  
Мухаммад ДАВУДОВ

**Корректор**  
Нурулгъуда РАЖАБОВА

**Дизайн, вёрстка**  
Лейла ГУСЕЙНОВА

**Менеджер**  
Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ № \_\_\_\_\_

Сдано в печать 17 июня 2011 г. в 18:00

Тираж 3.650 экз.

**Адрес редакции**  
367015, РД, г. Махачкала, ул. Азиза Алиева, 2.

По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.

E-mail: assalamweb@gmail.com; www.assalam.ru



# Вагъабизм — 21 ибил векла балагъ

1 «Цацбахъти вагъабистуни чула далкъти пикрумази бархили бикфули саби Идбагла ☞ хляб мижитлабад дурасес чебла саби или. Иличила лужули сай илдала бекдеш дирутазиладди ца Насруддин Албани «Ахкам аль-джанаиз» бикфуси жузлизив. «Хаджату Набии» бикфуси жузлизив биалли, ил викфули сай: «Мединализиб фитнализибад саби Идбагла ☞ хляб мижитла бухнаб балтни». Вагъабистунани дахъал гялимтала, валибала, асхябтала, Идбагла ☞ гьамталара булан хлябри-зияратуни дехъуб. Идбагла бегла дигуси хъунул Хадиджала хъулри, чузирра Идбагличи ☞ Аллагъличирад вахъю дашули дуибси мер бехъубли, илала мерличиб хляжатхана барни-личира абаиб. Илкъяйда белки саби

(«Насихяту лиихванин гуламаил Наджди») бикфуси жузла 60 бяхълизиб. Аллагъличи гьамти, дурхъати валибала карама туни диэс хедирар или биклар. Пурра илди бикфули саби: Вебкьибси Идбагличи ☞, тгерхъализиб имцали пайда леб» или. Адамти цалабикили бируси зикру вагъабистунани хлебалта, илала дурабад илди биклар «Аллагъ-Аллагъ» или зикру баресра асухлебирар или. Пурра илдала гъайлизиб саби балу-балули датурти дехибала черахъили дарес чебси ахлен или. Аллагълизи балга, вегла беккибтала бунагъу начивад Аллагъ чевверхахъес тиладибарни илдани ширклизи халбиру. Мазгъабтала имамти нушагъунти адамти саби или, мазгъабла гъуни буцахъес хелта, Къуръа аятунни ва хядисунни

чула пикри хясибли, дагъри хясибли шурдалта. Илди бикфули саби чули Къуръан асхябтачиб цакъли иргъути-ра или, сенахленну асхябтала замана мадрасаби лерти ахленри, гъанна биалли илди лер. Пурра илди биклар: «Гъалабла гялимтани делкунти жузи нушала замана дукъдуи калунти ахлен» или, илбагъандан илдачи херикфули хлукму касес асухлебирар. Дугели мижитла унза глекес асухлебирниличиб херхлеили, илдани Мединализибси мижит гейкфу, адамтази дугурби гьабаттализир хедеркахъес. Маккализиб ва Мединализиб вагъабизмала гъуйчи кахлебизуртас гилмула дурсри кадирхахъес ихтияр хелуга. Ыаннала бусурмантала ширк халали саби, гъалабла замунтазиб къунчрас

гьабатбируталайчиб или биклар. Хлябъесил даршдуслис гьегъити бусурманти иманагардешлизиб гяндбиркули саби или биклар. Вагъабистунани «Далаилул хайрат» бикфуси жуз белчлахъес хлебалта, сенахленну илизир Идбаглис салаватунни, ва мавлидунни лерхлеили. Пурра савлила дехибайзиб дугъа «Къунут» («Магъдина») белчлахъес хлебалта. Тасаввуф ва имам Ашгъярила пикруми къянадиру. Парикъатлис (Аллагъ вагънила гъуни) илди биклар шайтла гъуни саби или, устазунас – къунчри биклар, устазунала мюри-дунас – къунчрас гьабатбиранти или биклар. Алхлямлис гьегъи «Амин раббал гяламин» ибси балга бучлини ширклизи халбиру. **Хъарахъуд бирар...**

## Мигъраж

МУХИЯММАД ИДБАГЛА ☞ ДУГИЛА АРХИЯЛИЧИЛА ВА ЗУБРАЗИ АХЪУЦНИЛА ГИЖАИБДЕШЛИЧИЛА

Мухияммад Идбагла ☞ гямрула хлекълизирти белкьаназир Исламла хазнурбачила ва мягъничебдешличила Исламла тарихлизиб гъачамцун ахлен чебаахъибси. Иличил кадикибти анцбукъуни, цабутаван, нушазни гямру дерклахъес гьибратли детарули сари. Мухияммад Идбагла ☞ гямрулизирти бегларамягъничерти анцбукъуназибад ца саби Аллагъли ☞ илис бедибси гьажаибдеш. Ил анцбукъ кадикибси саби Идбагла ☞ маккалантази Ислам къабулбарахъес махикфули 10 дус къили гьегъи ва, илис жавабли диахъубли, ил дукелциличи вирхъули, мучлаагарули ва гымурклахъули кали гьегъи.

Мухияммад Даудов

Идбагла Таиф (Иерусалим) шагъарлизи арякъи, хурматла адамтачи дугъаизурли сай, илди Исламличиб жибирули. Амма илди чарбахъили, иличи мехлурти ва биштлати дурхъани гьирбарилли саби. Илдазивад гъавухъунси Мухияммад Идбагла ☞ шагъарла дублабси гьугила анхълизив вагъариуб. Ил сагъ-саламатли витилри, къяшми хили дашулри. Илав гьегъи ил дебали пашмай кайиб, децлизи викили, Аллагълизибад ☞ кумек тиладибирули. Ил анцбукъ биубсири Хадиджа ва Мухияммад Идбагла ☞ адавзи Абу Палиб вебкьили гьегъи. Идбагличи – хлер чебетгуси мерличиб саби баэс бируси, эмхлечиб ахъси ва эмхлерухъличиб гьаши мицтираг Буракъ – сабукниличила. Идбагла ил мицтирагличи мурдали сапарли дуравхъун ва Байт-уль-Мукъаддас шагъарлизи ваиб. Илини сунела Буракъ лебилра идбаганани чула мицтираг дилгъуси мявалзиси бигъун, гур мижитлизи ухнавахъун ва кел ракъагъятла дехибала дариб. Пур илавад дуравхъун. Илхлеили алжанала чягъирла ва ниъла гьалхьяналичил Мухияммад Идбагличи ☞ Жабраил гъамиуб. Идбагла ☞ ниъ чердиклиб. Жабраилли Идбагла ☞ мубараквариб ва буриб илала уммат бархъи гъуйчиб бирар или. Пур илди келра закличиб абацлиб ва Жабраилли къапу абхъахъес тиладибариб. Илизи хъарбаиб: «Хлу

чи сайри?» Илини жаваб гьиб: «Жабраилра, Мухияммадличил ☞ варх». Илдас закла къапу абхъибхели, Мухияммад Идбагла ☞ Адам Идбагла ☞ чеиб. Илини Мухияммад Идбаглис ☞ салам бедиб ва Аллагълизи ☞ сунес кумек-барахъесра тиладибариб. Пур илди кьибил закличиб абацлиб. Илдала къапу абхъахъесра Жабраилли тиладибариб. Илизи гьалартигъунти суалти дедиб, ва илдас итхелигъунти жавабтира чардариб. Илкъяйдали бетаур гьарил заклизиб. Кьибил заклизив Идбагла Марьямла урши Гисачил ва Заркъяла урши Яхъячил къаршиикиб, хлябьибилличив – дунгъала байхъала жагадеш сунес бедибси Юсуфличил,

миахъуб. Чилра ургакъяна агарли иличил гъайкавхъун. Илала хурматбирни чебаахъиб ва умвариб. Аллагъ ☞ заманала ва мерла дурав сайри. «... Аллагъли ☞ набчи ва дила умматличи дуги-хлерила дукънар шуцалидехИ дехибала дирахъес хъарбариб. Пур ну Мусачи кацтира. Мусани набзи хъарбаиб: «Се хъарбариб Чевяхъисили ☞ хлела умматличи?». Нуни жаваб гира: «50-дехИ дехибала». Илини иб: «Чарри Чевяхъисиличи ☞ ва кункдешуни тиладидара, сенкун хлела умматли илди чекасес хлебирар, нуни къали Израилла дурхънала цакъяни халдарира, илди нуни багъурра». Ну Чевяхъисиличи ☞ чарухъунра ва



авъибилличив – Идрисличил, шуибилличив – Гъарунничил, урег-ибилличив – Мусачил, верхъибилличив – чус 70 азир малаик даим алав сабашуси Байт-уль-магъмурличиб хъарихъунси Ибрагъимличил. Пур илди нурлизибад аклахъубси халаси галгала мякъла баиб. Иличиб ахъси даражаличи чилра ацес вирусил ахлен, хлятта Жабраилра вархли. Илала гъала ташбизурхъели Жабраилли иб: «Ишаб набчи хъарси таманбирули саби. Эй, Аллагълис ☞ вигъахъан, ца гъатли ганз кацасли ну игусира». Мухияммад Идбагла ☞ гъайиуб ва ил Аллагъла ☞ нурли алавуциб, илала гьалар пардавити гьаргдиуб ва илини дахъал дигъандешуни ва Аллагъла ☞ гьамаматунни чедаиб. Ил Аллагъла ☞ чевяхъидешличиб ва жагадешличиб хлеризур ва Чевяхъисили ил сунечи гъа-

тиладуухъунра: «Я Аллагъ ☞, дила умматличи уркецлибара». Илини ☞ шудехИ дехибала камдариб ва ну Мусачи чарухъунра. Илизи иличила бурра. Мусани иб: «Марлира, хлела умматли илди чекасес хлебирар. Чарухъен Чевяхъисиличи ва уркецлибарахъа». Илкъяйдали ну Мусачивад Чевяхъисиличи ва илавад чарулхъули калунра, Аллагъли набзи «Гъарли-марли биалли, дуги-хлерила дукънар илди шудехИ дехибала сари, цадехлизиб вецдехлизибад мягъна леб ва шуцалидехИ дарисиллисад кербиуси саби. Гьагъидеш барес дигули хъали, хлебарибсилли Нуни ца керилуклас, илини ил гьагъидеш баралли – вецал. Вайдеш барес къасбарили ил хлебарили калалли, иличила Нуни хелуклас, эгер къас-къасли вайбаралли, илис ил Нуни халаси бунагъван луклас» или буриб.

Ну Мусачи увяхъунра ва илизи гьар секлайчила бурира. Илини иб: «Чариубли Чевяхъисиличи, кункдешуни тиладидара». Нуни жаваб гира иличи гъачам-гъатли чарухъес ну урузкфулра или. Идбагла зуברי ахъуцнилизиб беглара халаси дарс ва вягъиза – дехибала хъардарни саби. Дехибала хъардарниларамухияммад Идбагла ☞ зуברי ахъуцнила гьажаибдешлара ургаб дебали бужулси ва гъамси, дехибала – рухлалашли, мигъраж сари диклахъес нушаб имкан лугуси бархас лебси саби. Дехибала – лерилра баркъуддумала хъулчи сари. Илди чедетахъили дирнили, Аллагъли ☞ хлу чейулра ибси пикри уркилизи кабурхахъу. Чевяхъисили ☞ хлу чейулра ибси пикрили, хлезиб Илизибад ☞ урехи алкахъу, Ил ☞ развиахъес ибси къас хлезиб имцлабиру, масала, гъайикдухъели къяна хлебуру, чесибси таманбиру, игъдибарби-хъибси чарбиру, игъдибарби-хъибси чарбиру, уркецлибарни багъандан баркаллаиклар. Къуръайзиб бурили саби, адам, сунес къияндикалли, сабурагарсили, паргъатагарсили ветарар, сунес давла баалли – къир-къирсили, илала дурабад, сунела заманаличир дехибала дирусилли, Чевяхъисили ☞ лерилра секлал чедигъни ва лерилра секлал дикъни бадули, Ил вачавяхъахъести лерилра секлайзивад гелумилзан: илини урхъла хъунуичил гъамдеш хедидру, чичилра гьимихедулхъахъу, секлайчи мяштхлеярар, адамтала ихтиурти хледулга, илди къакъахлебиру, сунела хъалибаргла, унрубала, гъамтала, тухумтала ихтиурти хледулга, сенкун Къуръаннизи белки саби, дехибай сай адам убяхъси ва лайикъагарси секлал хлебарахъес махируси. Дехибайчи мутигъдеш агарси ва Аллагъ Лерил секлал чедидан ва Лерил секлал дикъан веъниличила багъес хлейгуси адам Аллагъли лайикъсун танбихлаварили вирар, сенкун Мухияммад Идбагла ☞ бурибси саби: «Дехибай Адам гьагъити баркъуддумазивад мяхкамхейрули виалли, ил Аллагъличибад ☞ гъарахъиркахъу». Илкъяйдали Аллагъла ☞ уркецли саби дуги-хлерила дукънар дехибала шудехИ дигъни. Гъар дехибала дируси замана гъамбиубхели, вирхусилизи сунела Чевяхъисиличила ☞ гъанбиркахъу.



# Багъудлуми — Исламла рух

(Бехибхъуд – арбякъунси номелизиб)  
Къурмухъяммад-хъажу Рамазанов

«Сунезибад пайда лебси гъалим азир гъабидличив гъахъи сай» (Дайлями).  
«Шайтлайс ца гъалим декъи сай даршал гъабидличив» (Табрани).  
«Гъалимла даража гъабидлайчиб верхъицайнали ахъли саби ва кел [гъамтигъунти] даражала ургала заклара ванзалара ургалагъуна саби» (Дайлями).  
«Ил багъандан Китайлизи сапарли дурвхъес гъагъили биалра, багъудлумачи вегъли, багъудлумачи вегъли – гъарил бусурманна чебла саби» (Байгъакъи, Ибну Гъади ва цархъилти).  
«Багъудлумачи умицусилизиб Алжанара умицуси саби, [Аллагъличи] лекхъейхъусилизиб – Жагъаннаб» (Ибну Хъажжар).  
«Гъахъидешличи бурсивиз багъандан ва цархъилти иличи бурсибарес багъандан мижитлдизи чили гъуни буцалра, илини хъажлизи арагълеб зиярат барибхъелицад ва арагълеб умра (биштаси хъаж) барибхъелицад гъахъидеш сарху» (Табрани, Хъаким).  
«Къиямала бархъи Аллагъли гъалимти цалабирхъу ва иру: «Хушала уркъабазу нуни пасихъидеш кабихъибси хъуша гъазабдеркес багъандан ахъенри. Дашеная Алжанализи!»

Ибну Гъаббаси, Аллагъ разивиабну сунечи, ил дурхъаси аят ишкъайдали баянбариб: «Гъалимтала даража гъадатла бирхутала даражаличибад 700 ганзухъла ахъли саби, кел [гъамтигъунти] ганзухъла ургала биалли, [хъурали] вашули 500 дуслицун ахъес виар».  
Дурхъаси къуръайзир гъурра дахъал аятунни лер багъудлумала ва илдачи бегъибубтала дурхъадешличила бурути.

Бухарини ва Муслимли нушачи

баахъибси дурхъаси хъядислизибра буруливан, Аллагъла Расулли ибси саби: «Аллагъли ну хъушачи урхъухъели, набзи чебаахъибси хъекъси гъуни ва багъудлуми баракатла забличи мешути сари: илдазибад ца бутла сабухъебси ванзалачи кайгур ва [илар] дерхъибти шиниша къар леркъян; цархъил бутла биалли чумаси ванзалачи кайгур ва, [шин] учикадикили [шарабазу], Аллагъли илди адамтас пайдалатили детарахъа – илдани шин держес ва ванзурби шинни цркес пайдаладиру. Илдала [хъабъибил] бутла гъумла авлахъличи кайгур, илдани шинкъадеш чузиб тлашхъейу, илар къар хъедашар... Баягъи эркинси [сабухъебси] ванзалачи мешути саби Аллагъла дин бяркъурти, багъудлумачибли Аллагъли чус кумекбарибти, чучи ну вархъибти, чули гъилму дяркъурти ва цархъилти илдачи бурсибарибти... Сабухъ хъелугъуси, забли сунес пайда хъелугъуси ванзалачи мешути саби ил барес багъандан бек ахълеббарибти ва дин къабулхъебарибти».

Багъудлумани хъялалсилара хъярамсилара ургабси дазу балахъа, илди – Алжанализи аркуси гъуйчибси шала сари, цунухъунхъели анцъубукъни черардикни саби, гъарахъти мермусаличир юлдашунни сари, хъу цунухъунхъели хъечил ихтилатчиби сари, хъу харидешлизи яра децълизи викибхъели хъела дархъяби сари, душмантачи къаршити ярагъ сари ва юлдашунни-ургар хъела жагадеш сари. Ахъерти узби, бусурман адамла уркъи паргъатли буэс ва багъудлумачи бегъибис гъуцъихъебикес бирару, эгер илини багъудлумала илгъуна къадриличила, багъудлумани дихути гъахъидешуначила багъурли гъергъи?! Сен-сен вирусни дурхъили ва дурхъилала дурхъили исламла гъилмуртачи бурсибарес къайгъилизи хъейкили уэс?!



Гъарил гъакълечевси ва балугълавайбси бусурман адамличиб чебси саби исламла багъудлумала белгиси даражалачи вегъиз, илкъайдали чула дурхъили бурсибарес. Илдигъунти чараагърти багъудлуми сари: -Иманна урегъал хъулчи дагъни; -Исламла шел хъулчи дагъни, -Ихъсан (Тасаввуф) – уркъи жагъалтазибад умубирнича хъекълизибси ва адаблалаш ункъбирнича хъекълизибси гъилму бални, шагадала мягъна бални, дехъиба ва дуббуцарила арканти (дарес чараагърти) ва шурутунни (шуртгъри) дални; давла лебтас – закатла ва хъажла хъекълизирти чараагърти багъудлуми; Аллагъла чараагърти, асухъедироти ва имканти лишантачила (сипатуначила) бални; Аллагъла малайкуначи сен-сен вирхусил бални; Къуръанни-зир ва хъядисуназир гъанбушибти малайкунала ва идбагунала уми дални; идбагунала асухъедироти ва имканти сипатуни дални; Мухъяммад Идбагла гъямуриличила къантли бални; Мухъяммад Идбагла хала бегътала дурхъилала ва хъунрала уми дални; Къиямала Бархъиличи сен-сен вирхаэс вирусил бални; Адамти-ургар тинтгъидубти бунагъуначила бални;

узусила яра къуллукъличивсила къуллукъла чеблумачила бални ва илхъели лайкъагъарси яра бархъагъарси секъал сен-сен хъебирисил бални; лезмила, хъулбала, лихъбала, някъбала, къяш-мала, канила, мурул-хъунулдеш-ла биркъантала бунагъуначила ва илди хъедиахъес багъандан се барес гъагъинисил бални. Илди сари дагъес багъандан Китайлизи дигара ветаили, бусурман адамлис дагъес чараагърти. Ва ил секъал барес багъандан хъаж баресцада харжани дихъес хъажатси биаллира. Гъагъинитала бегълара камси къадарличирад имцъати багъудлумачила гъайдикхъелли, адамли секъал имцъали балуцад, илцад халаси талихъра биурра, илцад илала иманра цъакъбирар ва илцад илала гъакълура имцъабирар. Гъакълулиси багъудлуми имцъадигъни бацъси киса арцъи бицъиличи мешу-си саби, адамлис багъудлуми – бялихъ-лис шингъуна сари. Имам Гъазалини белкъунси саби, багъудлумани сай адам мицъирагъличивад чевяхъварибси или. Аллагъ хъушаб, азгъиндеш лайдакхъахъили, пайдалати багъудлумачи дегъдихъес икъалавиаб!

## «Агъузу биллагъи...» дурхъадеш

Къуръанли бучууси адамлис «АГЪУЗУ БИЛЛАГЪИ...» ИБНИ СУННАТ БИЪНИЛА ХИКМАТ

(Бехибхъуд – ардякъунси номерлизиб)

Къурбан хъажу аль-цудахъари  
Дагъиста Исламла Университетла  
преподаватель

Чевахъси Аллагъ Къуръайзив викъули сай: «Хуни, Идбагъ, Къуръанни учлес вехъирхъухъели, Аллагълизи, ай, набзи тиладибара, Нуни саб уркъецилизибад гъаббяхъибси малгун-иблис, ай, шайтлайзивад верцни. Хъакъкъаси багъинни Набчи иманра бухибти, илкъайда Набчи хъарахъибти, таваккалра лебти умуги муъминтачи, валибачи, илдачи гъуни, ай илди чеббалкъахъес, илала ахърихъебиклур. Илала чучи ахърибиклурти, илини чеббулкъахъути адамти или викъади, илди саби ил шайтланна тламалис жаваб барибти, илис гъелабадра арбякъунти, ва чули Аллагълис кумхъакъянара уцибти адамти».  
Иш гъанбушибси аятлизиб Аллагъли хитлаб Идбагъличи бараллира, хъакъкъатлизиб умматличи барибсили бетарар. Сай мягъсумси, ай шайтлайзивад вихъибси сайкъи, илизибад берцуди Сунези тиладибара или Аллагъли Идбагълизи авла ибси замана, нуша, ай уммат, сецад хъажатгили детарахе ил шайтлайзирад дерцни Аллагълизи тиладибарни? Иличи уммат чебаргъни ва иличи чекайзнира барес багъандан барибсили бетарар Идбагъличи хитлаб. Къуръай учлес вехъирхъусилис шайтлайзивад верцни тиладибирухъели, илала уркъила лябкъян ил малгунла кабикибси къаса, ил малайкунала ургаб буибси куц, къинайс Адамлис сужда барес халаберхъиличибли ил, Аллагъли уркъецилизибад гъабяхъили, шайтлан-

иблисли бетаахъни. Ишди лерилкъазибад ил адамли «Агъузу биллагъи...» ибнилизиб къайгъихъебарили гъямалхъебарилар. Иличибли илини хъузурра бурцу, деклар-декларти пикруми уркъилизирад ураснилис сабаблара бирар, къинайс Къуръанна гъар Аятлизир лерти ишараби, мягънурти, илала хъакъайкъуни, - илди арзнилис, илала истигъязатличи балбикили, Аллагъли, иншааллагъ, пагъмура бедлуга. Амма Васвасала, жура-журала мурадлума, пикрума парчбиклуси уркъиличил, мухълини Къуръан белчъиниличибли или викъади, ишхъайчиб мягъна аргъни бируси буили ахъен. Ил марсира саби. Малгун – иблисли Аллагълизи или саби: «Я Чевахъси Аллагъ! Хуни илири Къуръайзиб: «Марти Дила лугърачи хъед гъуни агара», - или. Илди чихъали сабив?» Аллагъли или Сай: «Илди саби чула дяхълабси нурра Дила Гъяршла сабти, ай Гъяршлизибад сабти, Ибрагъим ва Мухъяммад ишди келра акъубти гъанжилизибад акънира чула сабти адамти», - или. Гъаннара иблисли хъарбуили саби: «Чихъали сабив илди?» - или, ай се хасият – тлабигъатла сабив илди?» - или. Аллагъ Викъули сай: «Илди саби чузирад кайкибти бунагъуначи уркъи пашманси бирути ва рухъ айсухъели саб иман агарли бебкънилизибад чула урехи лебти адамти. Илдала дяхълабси нурра – Дила Гъяршлизибад бирар. Гъяхъл – юлдашлис, дигуси – мискийс, чули беркалара бедлууги, чули лугърачи уркъецира бирути. Илдала акънира, гъанбушибти келра идбагла гъанжилизибад бирар. Сегъуна биаллира Дила хъукмуличира разиси, Ну разивъни тлабара суне-

ни бируси, ил адамла уркъира Дила хазина саби».  
Муъминли сунес лягънат бушибхъели, иблисли иру: «лагъанта лагъинан», - или. Ай, хъуни хъебушадра наб лягънат ити итира бушибси саби ибси мягъналичиб, илини ил селизилра хъебуша. Амма муъмин адамли «Агъузу биллагъи...» ибси замана или викъади, илини иру: «Хуни дила къакъ бяжякъунри», - или.  
Пуррара бурули саби, гъар бархъи вецъна гъагъиниси жураличиб «Агъузу биллагъи...» ибси адамичибад шайтлан гъабяхъяхъес Аллагъли хасси малаик вакил виру или. Сурагъла авализибад бучули биаллира яра ургабад аят бучули биаллира, «Агъузу биллагъи...» гъар адамичиб чеб саб или леб. Суннат саб ибсира леб. «Суннат батурси адамра нушазивад ахъен», - или Аллагъла Расулли или сайну, чебси хъебиаллира, ибхъели батни нушачи балбикибси ахъен. Илкъайда Имам Абу Хъанифани ва Имам Шафигъини дехъбайс гъаб «Агъузу биллагъи...» или саби. Гъаргъити дехъбала, ай лерилра ракагъатуни цала дяхъили, илдани ил ца къираатли бейгъли саби. Ай, дехъибайзи керхурхъели ибсини абаала барили саби. Имам Шафигъила цархъилра гъай леб, «Агъузу биллагъи...» гъар ракагъатла бехъибхъудизиб ибни суннат саб ибсира. Аллагъли тавфикъ бараб бусурмантас, гъар секлайзиб шайтлайзибад дерцни Сунезибад берцуди булгутали биахъес, тиладибарнила натижа хъасулбируси куцличил!  
Аллагъли нуша дараба Сунела хъукмуличи разитазирадра, Сай разивъни даим тлаббирутазирадра! Аллагъли бедаб Къуръай бучути лебилра бусурмантас ил Къуръанла хъакъкъат аргъни! Аминь!



# Иракълизивадси гъахъла

1 « Прессализир нушани дахъ-ал хабурти дикъула, вал-лагъ, терактуни бусурмантани сари дурадуркѳути или.

## Исламлизиб фанатизм алкъахъути сабабти:

1.Исламличи ва Исламла дурхъати мераначи гъаргъдешличил ва диги-личил бархли аркѳути жагъилтала багъудила камдеш. Чула багъуди камли биънили илдани цархилтира хебирхули или гъайиблабирули саби. Илдигъунти анцѳубкуназир нуша нушала гилмула ва багъудила хъулчначи чардужъес гъагъибиркур. Гялини гъуни чебиахъуси замана илини хариджитуначи Гяббас вархъибси сай илдачил ихтилатбарахъес. Илис гъергъи 4000 адам бархъси гъуйчи чарбухъунти саби.

2.Гъабкъянадешличи гъуцѳ. Илинера фанатизмличи гъуцѳирахъу. 3.Жамигъятлара пачалихълара ур-гарти бархбасуни. Жамигъятлизир Чевяхъисили ﷺ кадизахъурти низам-къяйдала дазурби дулгули диалли, ил фанатизм алкъинилис сабабли бетарар. 4.Жагъилти-ургаб адаб хъархъибали, ишхъелла жамигъятла гъаурилизир дурадуркѳути гъадатунала дазу булгули биалли, цацахъели илдигъ-унти аги-къяйдализиб жагъилти

гъамалагардешличи, бегъла дубличи бетиркахъу. Ил багъандан жамигъятла гъалар нуша жавабкартира ва нушаб Исламла ишаратуни кади-захъес, Исламла дазурби дузахъес гъагъибиркур.

5.Бусурмантала обществозизир фана-тизм, экстремизм алкъинилис сабабли диэс дирар политикала хъаракатуни. Къуръан, Исламла ишаратуни жярга-дарнили ва илдачил Америкала руко-водство къабулли биънили жагъилти гъирбирули саби, илдазир разиагарде-шунни алкъахъули сари ва бегълара дуб-ларти тяхъурти далдурцахъули сари.

6.Исламлизибти лугъилалашал бахъал адамти рухълашал бацѳси агилизизиб саби.

7.Рухълашалси насихъятчи, адамтази бархъси гъуни чебиахъан(муршид) агнилира бегълара гъергъити аги-къяй-даличи ветиркахъу. Хъазлис ахъенри нуни Дагъистайзив левси рухъ-адабла шайчир насихъятунни лугъуси шейх Сягъид-афанди гъанушибси. Илдигъун-ти адамти дебабли камли саби.

8.Баягъи бусурманти хъербирути улкнази, Америкали арцѳичил гъахъил гъеббуцили, Христиантала, Иудейта-ла динани гъингъидарес чула бузери-личи дебабли чекабизурти вакилти бурхъни. Миссионертала организа-цияби дакъудибти бусурмантала улкназир итмаданал бусурмантала

жамигъятунала ургар террорист орга-низацияби дакъудиресдахъиб. Нушала диннизирра лер фанатизмлис гъергъи дашути четдхъеибдешуни. Цаибил сабаб – фанатизмли адам-ти сунечи битѳикѳули ахъенну, гъа-рахъбиркахъули, урухъбирули саби. Къибибилгъуна, фанатизмла гъамру къантлаби сари ва адам вахъхъли фанатикли визэ хъейрар. Аллагъла Расулли ﷺ бурибси саби: «Хъушани барес дирусицун барая». Фанатикунни биалли гъаланачиб дебабли къайгъили-зи биркур, амма илдала ил гъаргъдеш бахъхъилис хъебиур.

## Сен-сен сагъизэс вирару

### Динна фанатизмлизивад?

1.Багъуддумачи бегъбиубти, уркъби гъаргъти, фанатизм къабулхъебирути гъарли-марти насихъятчибас, гъалимгас, жагъилти хъекъси гъуйчи кабизахъес багъандан имканти дедес чебиркур. Имам Гялини буриб: «Мар-марли Исламла багъуддуми – дин саби, ва хъердизирая, чизирад кайсул-рал хъушани багъуддуми».

2.Дин, психология, социология, экономика гъахъил балути адамти чузи кабурхути органти акъахъес чебиркур, фанатизмла, экстремизмла ва Исламлизирти цашаликардешла анцѳубкуни ихтилатла хъулчначир

чедетаахъили дяркъес багъандан. 3.Жамигъятлизир бархъдеш ва хъялалдеш гъингъидарес ва гражданин-тала законна шайчирти ихтиюрти датахъес гъагъинити сари. Чевяхъисили ﷺ бархъдешла шайчи кайзурсиллис кумекбируси саби, сай бусурман хъейаллира. Рухъла шайчибси бацѳдеш чебицѳахъес багъандан, жагъилти-ур-гар багъуддуми гъингъидарес чебиркур. Жагъилтала хъайчикабиэс имканти агарли диалла, илдас кумекбарес чебиркур.

Ва ахирличив ну Аллагъилизи ﷻ шукурѳикѳула наб хъушачил гъу-ниваахъес имкан гибли багъан-дан. Чевяхъисили ﷺ балга би-рулра хъушала республикала бекѳ гъевуцахъес багъандан, Сунени ил чесагабирнила ва вавалибирхъни-ла гъунчивад вашахъес багъандан. Вирхес дигула, нуша гъурра ишар ва азадбатурли гъергъи Ираклизир гъуни-диъниличи. Лебтасалра Аллагъилизи ﷻ дулгес чебси саби бегъла улкала яра ре-спубликала руководитель гъевуцахъес багъандан, сенкъун илала гъарбизни лебил республикала гъарбизни саби. Нуни хъуша гъачам-гъатли жидирулрая шейх Сягъид-афандила насихъятуначи лехъирхъахъес. Вассаламу гъялайкум ва ряхъиматуллагъи ва баракату!

# Шягъбан баз

ИЛАЛА ЦАЦАДЕХИ ХАСДЕШУНИ: ЦАИБИЛ – ИЛ БАЗЛИЗИВ ДУБУРЦНИ ГЪАХЪИЛ ЧЕБИУЛИ САБИ, КИИБИЛ – ИЛ БАЗЛИЗИВ БАРААТЛА ДУГИ ЛЕБ.

Рамазан Темирханов

## 1.Шягъбан базлизив дубурци

Гъайшатни, Аллагъ разивиабну суне-чи, бурибсири: «Идбаг ﷺ дубурцуси-ри, нуша ил гъачамалра укуси ахъен дикъесли, дубкалтусири, ил гъачамал-ра дубурцуси ахъен дикъесли, ва нуни Идбаг ﷺ, Рамазан базлизив ахъенси, арагъеб баз дубурцули чехъеира. Ва нуни Идбаг ﷺ чехъеира Шягъбан базли-зивван вахъхъли дубурцули».

## 2.Шягъбан базла гъергъисигъуна бархъли

Ил бархъли яра гъергъитигъунти кѳел бархъли дубурцахъес къадагъабарибси саби. Иличила Идбагла ﷺ хъядислизиб бурили саби: «Ташмишикъуси бархъли чи дубуцалра, ил Абу Къасимли ибсилличи лехъихъеибси сай». Ташмишикъуси бархълизи буйгъуси саби Шягъбан базла бегъла гъергъиси (хъябцѳалиэсил) бархъли. Илкъяйда бикѳути, Рамазан баз сабаилил ахъенал хъебалули, адамти ташмишбикѳухъели саби. Абу Къасим Мухъяммад Идбагла ﷺ кунъят саб.

## 3.Базла къибиб байхъайчив дубурци

Шягъбан базла къибиб байхъайчив дубурцила хъекълизиб гъалимтани декъар-декъарти пикруми дурули сари. Цабехъити бикѳули саби баз-ла къибиб байхъайчив дубурцес асухъебирар или, цархъилти – ил замана дубхъевцини гъахъил саби ва асухъедироти гъергъити кѳел бархъицун сари или. Хъябэстанни биалли илди бурхъназив дубурцини гъахъил чебиули саби. Дубурцес асухъебирниличила гъайбикѳути ишгъуна хъядисличи хъарихъули

саби: «Шягъбан базла 15 дикибхъели дубмадурцудая». Или биалра, чедиб гъанбушибси тяхъярли сай дубурцес кадизахъурти бурхълини белгидариб-силлис дубурцес ихтияр лебси саби. Илди бурхъназив дубурцес асубирар бикѳутани биалли бурули саби ил хъядис бархъли ахъенал кабизахъ-урси ахъен или, яра Рамазан базли-чив дубурцес цѳакъани ахъердируси бузли хасбарибси саби или. Илкъяйдали, Шягъбан базла цаибил байхъайчив дубхъевцибсиллис базла къибиб байхъайчив дубурцес асуби-руси ахъен.

## 4.Бараатла дуги

Бараатла дугиличилара гъалимтала пикруми декъар-декъарти сари. Цабехъитани бурули саби Шаригъятлизиб ил баз декъарбарес хъулчи агарсири ва гъур дакъубиубси гъядат саби или. Илгъуна пикри, цабутгаван, бурибсири имам аль-Къуртубили «аль-Бидгъа ва ан-нахъу гъангъа» бикѳуси жузлизиб: «ГъябдуряхъИман ибн Зайд ибн Аслям-ли буриб: «Нуни нушала цалра шейх я факъыгъ чехъеира, Шягъбан базла байхъ-личибси дугиличи пикри бяхъичаибси, ва Макхульти бурибси хъядис тикрар-барибси, ва илдани ил дуги цархъилти дузурбачиб имцѳали дурхъаси саби или буруси». Цазаманализиб, иличи къар-шиси пикрила бегъти цацабехъити гъалимтани гъарли мартази дуйгъути хъядисуни дурули саби, цабехъитани биалли илди хъярхъитази дуйгъули сари.

«Аллагъли ﷻ лерил Суне-ни акъахъубтала къисматуни Шягъбан базла байхъайзисиб дуги

чехъердирути сари, мушрикунта-ла ва бусурман узичилси бархбас хъябал бархъиличиб имцѳали бер-дахъибтала ахъентала бунагъуни урисути сари». Идбагли ﷺ бурибси саби: «Шягъбан базла байхъайчибси дугилизив Аллагъ ﷻ гъарли-марли бегъла гъяшси закличи кайцѳуси сай ва «Къальб» жинсла мазала масла балализирти гъезбала лугъиличиб бахъал адамтала бунагъуни уркайсу-ти сари».

## БАРААТЛА ДУГИ БУЧУСИ ДУРХЪАСИ БАЛГА

بِسْمِ اللَّهِ الرَّحْمَنِ الرَّحِيمِ . اللَّهُمَّ يَا ذَا الْمَنِّ وَ لَا يَمُنُّ عَلَيْهِ يَا ذَا الْجَلَالِ وَ الْإِكْرَامِ يَا ذَا الطُّوْلِ وَ الْإِنْعَامِ لَا إِلَهَ إِلَّا أَنْتَ ظَهَرَ الْأَجِينَ وَ جَارَ الْمُسْتَجِرِينَ وَ أَمَانَ الْخَائِفِينَ . اللَّهُمَّ إِن كُنْتُ كَتَبْتَنِي « كَتَبْتَنَا » عِنْدَكَ فِي أَمِّ الْكِتَابِ شَقِيًّا « أَشَقِيَاءَ » أَوْ مَحْرُومًا « مَحْرُومِينَ » أَوْ مَطْرُودًا « مَطْرُودِينَ » أَوْ مُقْتَرًا عَلَيَّ « عَلَيْنَا » فِي الرَّزْقِ فَامْحُ . اللَّهُمَّ بِفَضْلِكَ شَقَاوَتِي « شَقَاوَتَنَا » وَ حِرْمَانِي « حِرْمَانَنَا » وَ طَرْدِي « طَرْدَنَا » وَ اقْتَارَ رِزْقِي « رِزْقَنَا » وَ أَثْبَتْنِي « أَثْبَتْنَا » عِنْدَكَ فِي أَمِّ الْكِتَابِ سَعِيدًا « سَعْدَاءَ » مَرْزُوقًا « مَرْزُوقِينَ » مُوَفَّقًا « مُوَفَّقِينَ » لِلْخَيْرَاتِ فَإِنَّكَ قَلْتَ وَ قَوْلُكَ الْحَقُّ فِي كِتَابِكَ الْمُنَزَّلِ عَلَى لِسَانِ نَبِيِّكَ الْمُرْسَلِ يَمْحُو اللَّهُ مَا يَشَاءُ وَ يَثْبِتُ وَ عِنْدَهُ أَمُّ الْكِتَابِ . إِلَهِي « إِلَهَنَا » بِالْتَّجَلِّي الْأَعْظَمِ فِي لَيْلَةِ النَّصْفِ مِنْ شَعْبَانَ الْمُكَرَّمِ الَّتِي يُفْرَقُ فِيهَا كُلُّ أَمْرٍ حَكِيمٍ

وَ يُبْرَمُ أَنْ تَكْشَفَ عَنِّي « عَنَّا » مِنَ الْبَلَاءِ مَا أَعْلَمُ « نَعْلَمُ » وَ مَا لَا أَعْلَمُ « نَعْلَمُ » وَ مَا أَنْتَ بِهِ أَعْلَمُ إِنَّكَ أَنْتَ الْأَعَزُّ الْأَكْرَمُ . وَ صَلَّى اللَّهُ عَلَى سَيِّدِنَا مُحَمَّدٍ وَ آلِهِ وَ صَحْبِهِ وَ سَلَّمَ .

Бисмиллагъи ррахълмани ррахълим. Аллагъумма, йа залманни ва ля йуманну гъалайгъи, йа заль жалали валь икрами, йа затѳтавлли валь ингъами, ла шлагъа илла анта загъра лажина ва жарал мустажирина ва аманал хаифина. Аллагъумма ин кунта катабтани (катабтана) гъиндака фи уммил китаби шакъиййан (ашкъияя), ав махърумман (махърумман), ав матѳрудан матѳрудина), ав мукътарран гъалаййа (гъалайна) фи рризкъи фамхъу. Аллагъумма бифазлика шакъавати (шакъаватана), ва хъирманни (хъирманана), ва тарди (тардана), ва иктара риз-къи (ризкъана), ваасбитни (ваасбитна) гъиндака фи уммил китаби сагъидан (сагъидаа) марзукъан (марзукъина) муваф-факъан (муваффакъина) лилхайрати, фа-иннака къулта ва къавлукал хъакъкъу фи китабикал мунзали гъала лисани набиййи-кал мурсали: «Йамхъу лагъу ма йашау, ва йусбиту, ва гъиндагъу уммул китаби». Илагъи (илагъана) биттажаллил агълами фи лайлати ннисфи мин шагъбанал мукаррами лати йуфракъу фигъа куллу амрин хъаким, ва йубраму ан такишфа гъанни (гъанна) минал балаи ма агъламу (нагъламу), ва ма ла агъламу (нагъламу), ва ма анта бигы агъламу, иннака антал агълазул акрам. Ва салла лагъу гъала саййидина Мухъаммадин ва алигъи ва сахъибгъи ва саллам.



# Дехибайчир дарес гягнитти баркъудлуми

Ислам Хиямзатов

1). Авал анцбукълизир – дехибала дехидирхъухели вайличил сужда барес гялаб, ил сужда барили вархылзухели, илкъяйдали хябъибил ракъягят барес «Ташагъгъуд» белчи алзухели – «Аллагъу акбар» ирухели лихбачи цугли някъби ахъдучни. Дехибайчир цархилти анцбукъуназир някъби ахъдурцугти ахлен, сенахленну илди имцлати шикъ сари.

2). Пашкайзурли «Аль-Фатихя» сура бучлухели, балуй някъ алгъайличи кабихъни.

3). Дехибайчи вехихъили гьегъи «Ифтигъа» балга белчини.

4). Гьар «Аль-Фатихя» сура белчес гялаб «Истигъаза» бурни.

5). «Аль-Фатихя» сура белчи таманбиубли гьегъи «Амин, я Раббаль-гяламин» яра «Амин» ибни.

6). Кел гьаларти ракъягътилизиб «Аль-Фатихя» сура белчи гьегъи, Къуръаннизибад сегъуна-би-алра сура яра аят белчини. Цаибил ракъягътилизиб кийбиллизибичиб цакъадар бухъанси сура бучлуси саби. Илала дурабад, цаибил ракъягътилизиб бучлуси сура (яра аят), кийбиллизиб бучлусиличиб Къуръаннизиб гялаб мерлабиубли биэс гягнитти саби.

7). Вайличил ва ванзалис суждаби дарес гялар ва ванзалис сужда барили гьегъи, ва къукъубачивад хябъибил ракъягътиличи алзухели, «Аллагъу акбар» ирни.

8). Дехибала дируси лебилра замана ванзаличи сужда бирухели анда гачбиркуси мерличичи херикни, «Ташагъгъудлизиб» «иллаллагъ» ирухели гъуйчи хербахъичаъни.

9). Вайличил суждаличивхели, ил сужда барили гьегъи вархалзухели, ванзаличи суждаби дирухели, ванзаличи дирути кел суждала ургав кайибхели хасти тасбихлуну дучни.

10). Дучлуги балгнала мягъна бални.

11). Илини ﷻ хлуша чедиъниличила ва хлушани дурути дикъниличила, селичила пикридиклурал балниличила хъумхертурли, пикри Аллагъличи ﷻ бяхъичиъни. Или ибси саби мутгидешла, пахруагардешла аги-хяйзив (хлузур, хушугъ) вирни ибси.

12). Лерилра анцбукъуназив «ифтигъашла» жура-

личив кайъни, бегла гьегъи биалли «таваррукла» жураличив кайъни.

13). Бегла гьегъиси «Ташагъгъудли» гьегъи «Ас-Салат аль-Ибрагъимийя» ва балга делчини.

14). Алгъай шайчи кийбил, гьегъисигъуна «Салам» бушни.

15). «Салам» буршухели бекл балуй шайчи ва алгъай шайчи ласбирни.

Чедир гьандушибти баркъудлуми хедарнили дехибала заяхедирахъу, ваамма «садждату-ссагъви» дарнили илди черхлейхъу.



## Дехибала дирухели далхейкибти баркъудлуми

Дехибала дирухели гягнитти чедиули ахлен:

- 1). Ца къашлицигъун хъарихъни, яра ца къаш итиличиб гяла кабалтни.
- 2). Мурул адамтас гъашхели къашми цаличи ца чедетаахъили кадатес гягнитти сари, някъби къаркъайчи чедетаахъили, хъунул адамтас – иличи ургъели. Амма къашми дебали гъарахъили кадалтни-ра балбикибси ахлен.
- 3). Ташкайзурхели някъби гяшли, къуда канила

удир яра ахъли михъирличир кадалтни.

4). Гягниттеш агарли мухли някъличил кlapбирни(гъагъиклухели асубирар).

5). Вайличил сужда бирухели бекл цакъли къухлбуцни.

6). Ванзаличи сужда бирухели андаличи цапакунти гухл душкни яра ванзаличирти дибгъанти къаркъуби урисни.

7). Алавчар яра заквивахл херикни.

8). Тулбачил се-биалра, масала, палтар, хахамбирни, гъез ибни яра хяришдирни.

9). Хяжатханахили укъес гягниттеш лебли, яра гъава дурабушес гягниттеш дехибала дирни.

10). Беркеси хядурли лебли (къандирули хедидалли) гушли дехибала дирни.

11). «Аль-Фатихя» суралис, илкъяйдали цаибил «Ташагъгъудли», «Кунут» балгалис гьегъи сура хлебелчи батни ва вайличил ва ванзаличи бируси суждабас гьегъи тасбихл хлебелчини.

12). Гяшли делчес гягнитти балгни ахъли дучни яра, иличи ургъели, ахъли делчес гягнитти гяшли дучни.

13). Хямамлизир, базарличир, хябразир, гъатбирнила урехи лебси мерличир, киласализир, мицираг цаладиркуси мерличир, адамти башу-си мерличир(гъуйчир), илкъяйдали гъанкилкуси хяйчивхели дехибала дирни.

14). Пикри чучи битиклуги секлайчи, масала суратначи, някъшличи, хериклули дехибала дирни.

15). Хяжатдеш агарли хлулби къапдарни(ил секл асубирар, эгер дехибайчигъун пикри бяхъичаъс кумекбирули биалли яра хлулби хясализирад мяхкамдирули виалли).

16). Дехибала дирухели дулгъуби гегдергни.

17). Мижитла дураб вегла гяла яра балуй шайчи шутри тудирни, мижитла бухнаб биалли туиклес беклил асубируси ахлен. Чарагардеш аклалли явлухълизи яра хлечис палтарла дублизи (палтарла бухна шайчи) шутри душкес асубирар.

18). Хябъибил ва авъибил ракъягътилизир «Аль-Фатихялис» гьегъи сураби делчес гягниттеш агара (имамличил дархли дехибала дирули хейадли).

# Адам Идбагла уршбачила ﷺ

Дунъяличив бегл гялав адамли адам - узини узи кавшиила анцбукъли, Аллагъли кадизахъурти хъарбаркъуни-къайдурти дулънили адамлис сецад зарал алклулил чебиахъули саби.

Нурулгъуда Ражабова

Бахъли декларли кали цаличил ца къаршибикибхели, Адамлира ﷺ Хявалира чус хербиреси мер саблин Макка шагъар чебиклибсири. Ил баркъуди сабабли Маккалис Уммуль-Кура – сагали гечбирутала центр саблин – шагъуртала неш биклули саби. Ишаб сабри адамти алклес бехибихибти. Нушала беглара халарегил Неш Хявала ца гъакли чумал дурхля алклутири. Ил багъандан Къудратла Вегла закон хясибли, цахнаб аклугти уршби-рурсала ургар магъар дихъес асуби-



руси ахленри. Адамла ﷺ дурхназивад цали сайси Къабиллис сунела рархси рузилис магъар дихъахъес дигули ахъиб. Жагадешличил ва кеглебдешличил декларрулхъуси ил сунела рузи илцадра дигиатурси Къабиллис Аллагъла законничил баришвиэс дигули ахленри. Ил рурсиличил магъар дихъес хяжатси цархил узи Гъабилли къас бариб сунела узи Къабиллизи ил барес асубиририличила аргъахъес, къадагъабарибси секлайзивад гелумизахъес. Амма Къабилла къас аги сунес дигуси хлебарилли калес. Илхели Гъабилли пикрибариб чуну килинра Аллагъ багъандан се биалра къурбанбарес - чидил вархлил, чидил валклил белгибарес, бархъдеш чила шайчибал багъес багъандан. Ит заманала гядатуну хясибли, се биалра къурбанбарес багъандан, беглара ахъси дубурала бекличи абацили, илаб се биалра дурхъаси секлал балтусири. Гядат саблин, адамтани къурбанбирутири саби бузули барибси секлал – чула къиян. Илкъяйдали, заклизбад дурабухъи баклибси цали ил дубурличибси къурбанбарибси секлал къараънили (бетахъахънили) иргъахъусири Къудратла Вегли къурбан къабулбарни.

Гъабилла мазнала дурзам лебсири. Илини къурбанбарес багъандан беглара дебали цдерхъси маза чебиклиб. Къабил биалли ванза бузахъан сайри. Илини къурбаннис ца-чумал анклила луги деклардариб.

Ца къадар замана дикили гьегъи Къабилра Гъабилра баягъи ахъси дубурличичи чебихлбухъи хербиклалли, чучи чилра къахълейкибти дерхили шулкайубти анклила лугни чедаиб. (Ибну Сагд 1,36). Къабил Аллагъла хлукмули дебали гясивахъуб ва чевхъи сунела узи Гъабил кавшиб. Къурбаннизиб ил анцбукъ ишкъайда сипатбирули саби: «Бура илдази бархъдеш (Мухъаммад) Адамла кел урши-

личила, илдани дарибти къурбантачила, илдазибад цала къабулбарилли, цала къабулхлебарниличила. Ва кийесилли иб: «Или биалли нуни хлу каршури». Гъабилли жаваб чарбатур: «Мар-марли, Къудратла Вегл Аллагъли гягити-хялалти адамталацун къурбан къабулбиру. Хлуни ну кавшес къасли някъ ахъбуцад-лира, хлу кавшес къасли нуни сеналра ахъхлебурцис. Сенкун Дунъяла Пачахли сайси Къудратла Вегл Аллагълизивад ну урухлус. Гъарли-марли, наб дигулра хлу набчи къаршили дураберкибси баркъуди багъанданси бунагъла вегли ва жагъаннабла агъули виубли. Зулмукартаскун танбихл илгъуна саби». Амма илини ил кавшиб, сай биалли бетахъри биубтала къаянази ветаур Къабиллис сунела жан агарси узи Гъабил секъайда хярирхъусил чебаахъес багъандан, Къудратла Вегл Аллагъли ила къяна бархъиб ва иличи ванза биркъахъес хъарбариб. Илхели илини чярбахъиб: «Наб халаси децл-мусибат! Ахъри агарагу дила, иш къянала къайда, дила узила жаназ хярирхъес». Ва ил пашман-биубтала лугилизив ветаур».(Аль-Маидат) сура, 5(27-31).

Илхейчибад бехибихили адам кавшибсила бунагъла пай Къабилличира бетиули саби. Идбагли ﷻ иб: «Гяйиббагар шайчив кавшибси чи виалира, кертлугти хила бунагъла бутла Адамла уршиличира бетиули саби, сенкун илини адамти кабуришилис бехибихуд кабихъиб». (Бухари «Анбия», 1 Муслим «Касама», 27).

Сунела машгурси «Баркъудиличил гилмурти мицирдири» биклуси белклизив ил анцбукъла чевкад дурхъаси имам Гъазали вархли виклули сай: «Игъбарла вегл сай сунела бунагъуначил варх вебкисси! Амма игъбаргар пяквир сай, сай вебкили гьегъира, даршани дусмазир сунела бунагъуни даимдируси».



# Сегъунти дирара бунагъуни?

## Хулбала бунагъуни

Урхлала хъунул адамла кьаркьа гьаргити мераначи, дяхличи, бекл-някъбачи ва бекл-къяшмачи ахи, хериклес асухебирар.

Эгер мурул адамла илди хабар агарли чедаили итмадан хлер ласбаталли, ил бунагъ ахлен. Амма илини илис гьергьи сагадан хьеръалли – ил бунагъ саби. Хъунул адамлачи дяхл кlapдapec чебси ахлен, амма мурул адамра иличи гьяхлси пикриличилун хлериклес гьягниси сай. Вегла гьамти хъунул адамтачи – неш, рузи, рурси, гьайла къантла, чучи хьайчикайэс асухебирути тухумтачи, вайси къас урклилизи кахебурхули биалли, – хериклени бунагълизи халбируси ахлен. Бусурман адамлачи хамли ва ахъдешличивадван хериклес асубируси ахлен. Хужаимла къабулдеш агарли урхлала азбарлизи хлеризес ва илис чебаили хлейгуси секлал чебаахъес тиладииклес асубируси ахлен.

## Някъбала бунагъуни

Вачар-чакар дузахъухели виргьивиргни. Секлал билгени.

Адам кавшни, амма бунагълизи буйгуси ахлен сунес урехи чебаахъухели, сунени кьаршидеш дарни. Гьарали лутни. Рушбат сайсни. Урхлала ваяхличи, арцличи ва дьавтазир дикахъибти секлайчи хлясатдеш дарни. Урхлала секлал хъямбарес асухебирар.



Сабабагарли адам витес асухебирар. Чи-биалра урухвирес асухебирар, хлятта масхарали-салра. Мицъираг инжитдирес асубируси ахлен. Амма адамлис ихтияр леб илкьяйда барес, масала, эгер адам дугьдерхурти хурали алавуцили виалли, илис сай верцес багъандан ца яра цархил илгъуна секлал пайдалабарес асубируси саби. Арцлис хлязана виркъес асубируси ахлен. Арцлис хлязана виркънила дахъал жураби лер: картаби, шеш-беш ва илдачи мешути цархилти. Се биалра сархнила мурадличил дурахъедуркьути хлязани, масала, шашкабала ва цархилти, асубирути сари. Хлятта илдигъунти хлязана виркъес асубируси ахлен, эгер илди хлязанала бутлакьянчиби се-биалра урга кабихъили биркьули биалли. Цархил хъунул адамлачи къячикни. Адамла барибси къяянна хлекъ хлебедес асубируси ахлен. Гушиубсилис, убкьусилис яра къяяндикибсилис кумекхлебарес асухебирар. Беклала урехи чебихъунси бусурманнис кумекбарес имканбикьули гьергьи, кумекхлебарни бунагъ саби. Бурес асухебируси секлал белкьесра асубируси ахлен. Ламартдеш дарес асубируси ахлен. Масала, адамла цархил адамлазиб заманалис се биалра балтули сай, итилли биалли ил чарбирули ахлен, сунезиб агара или.

## Къяшмала бунагъуни

Бунагъласи баркьуди дуракьес вашни – Шаригьятла гьалабуни дуьни саби(масала, бусурман кавшес ибси къасличил чина-биалра гьайигъни яра фарз таманбарес гелумилзни). Хъунуйс хьайгьирад дурарухъес асубируси ахлен мурулла ихтияр агарли. Бунагъ саби хамли ва уктемли ганзикни.

Гьала кайэс багъандан мижитлизиб бусурманти къуж-хъячбарили сунес мер барес асубируси ахлен. Кайэс асубирар азадли лебалси мерличи. Дехибала дируси адамлара илала гьалабси сутралара (гьалабизлара) ургав вашес асубируси ахлен. Къяшми Къуръайчил цугси ахъдешличи кадатес асубируси ахлен.

## Мурул-хъунулдешла бирклантала бунагъуни

Зина (хъунуйс яра муруйс хиянатиъни) – ил беглара халати бунагъуназибад ца саби. Мурул ва хъунул адамти Шаригьят хлясибли магьардихъайчи (никлахл) бархбирес асубируси ахлен. Мицъирагличи гужбарни. Жинсдешла биркланти чериргъахъни. Вегла жинсла адамлачил гьамдешдарни. Бунагъ саби хили рашуси замана, дурхля варкьили гьергьи умурируси замана яра умуриубли гьергьи хъунуй гьуслу хлебарили лебай хъунуйчил вархикни. Асубируси ахлен чьянкьувииубли чедаахъес асухебирутала гьалар сунела жинсдешла биркланти гьаргдарес. Илгъуна бунагъ саби, эгер адамла гьаргси мерличив, Кягьбаличи вяхгъавли яра къакъгъавли кайзурли, сунела хляжатдеш ихънира. Ил бунагъ къячбилкуси ахлен хляжатханализиб – илгъуна мурадлис декларли чебаахъибси мерличиб, ил чинаб биаллира, – хляжатдеш ихъули биалли. Хляжатдеш агарли чьянкьувииубли хъа ухнав къунзикнира бунагълизи халбируси саби, хъайгив сай агарси цархил чилра левхейалра. Ил цаван къячбилкуси саби хъунуйчира муруйчира.

## Лезмила бунагъуни

Шутни-къунба угъес, сунела ихтияр агарли яра сай мякьлав агарли бусурман адамла чедетхейбдешуначила гьайикни бунагъ саби. Эгер клел адам шутни-къунба бугъухели хлябъибил илдачи лехкахъили, илди тлашхейули виалли, иличибли илисра бунагъ биур. Ил къяйдализи кабурхуси ахлен чичила-биалра вайли гьайикьусили дурути дархъли диалли. Масала, адамла сунес зулму бирутази ва сай къакъа-вирутази разиагардеш балахъули биалли; илини ашкалри къалп чебиули виалли, иличила бурес илис асубирар. Эгер Исламла хълчни руркъяхъуси адам къунба угъули виалли, илизи итмаданал буруси саби ва иличила цархилтазира багъахъес гьягниси саби; адамтала хулбала гьалав бунагъуна виркъуси адамлачила цархилтази бурни шутни-къунба угъни ахлен. Масала, хъунул имамлизи(къадизи) муруй-чила гьярзрикьули сари, вайта виркъули сай, магьр(магьарла масс) лугули ахлен рикьули; мякьлав агарси бусурмайчила гьайбикьухели гьай чичила сарил ихтилатикьусилизи аргъахъес багъандан илала лебтанилра далути нукьсандешуни дурули бирар, амма илхели илала хурмат буэс асухебирар. Бусурманти-ургар къавгъа адилкьули, шутни-къунби тинтдирес асухебирар. Мицъираг цаличи ца чедитиънира илкьяйдали бунагълизи буйгуси саби. Бунагъ саби къяна бурнира. Балубалули къяна бурес асухебирар, масхаралисалра. Аллагъла ☞ умазибад ца гъанбушили, къянала хъа барни – халаси бунагъ саби. Къуръаннизиб яра Мухьяммад Идбагла ☞ хлядисуназиб иличила бурили саби или нягьдаллагькалзули, къунби пикридирни ва адамти биргьабиргни – халаси бунагъ саби. Илгъуна адам куфрулизи викес асубирар, эгер, масала, гьарли-марли хлярамси секлал хлялалси саби или Аллагъли ☞ Къуръайзиб бурили саби викьули виалли. Сунени балуси агарли, динна масъултала чевкад гьайиклес асухебирар. Сунени бурибси сунесра гьанагарли бархъсили уббухъаллира, илизибад бунагъласи баркьуди кабикили саби. Бусурман адам цархилличил дигаилизи ахъили или (сунела хъунуйс хиянатиънила шайчив) далилти агарли, вайулаварес асухебирар. Илизибад илгъуна баркьуди кабикили кабизахъес багъандан, бегла камли авал бикьри бизес гьягниси саби. Цархил адамла нукьсандешуначив – гьайикнилизир диаб, къаркьайзир яра цархил

шайчир диаб – чевдукаркнира бунагъ саби, ил гьимуркьлахъес, иличив къугънавиркъес асубируси ахлен. Цархилла децличи разивирес асухебирар – ил бунагъ саби.



Къянала бикьридеш дарни – халаси бунагъ саби. Заманаличиб чарбарес имканти лерли, чебла черихъни зузбитлахъи, къунба угъес асубируси ахлен. Адамлис децигахъули, жьарга гьайли угъес асухебирар.

Диннич, идбагуначи ☞, Къуръайчи, гьялимти-бусурмантачи илкьяйдали цархилтачи хурматагардеш балахъули бурибси гьарил дев – бунагъ саби.

Къуръан гьарацбарили бучнира илкьяйдали бунагъ саби. Адам иличи лехкахъили ва бархъкахейули виалли – илизибадра бунагъла баркьуди кабирули саби.

Сунес хляжатдеш агаркьира яра сунела гьямрулис баэсад напакъа зули тлалаббарес вирули виалли, садакъа тиладибирни – бунагъ саби. Садакъа тиладибарес асубирар, сунени сецад цлакьани харждираллира сай беркайчил, палтарличил гевуцес яра чулахъ сайливан узес хейрули виалли. Сунела вархъаначиси букьурчис букьур хлебатес или хъа барес ва лебилра лебдеш цархилти адамтас аманатбарес асубируси ахлен.

Сунела гьамти тухумтазибад цализилра хлебагъахурли, чебаллис арц сасес асухебирар. Сай вебкьили гьергьи сунес къадин чебла ахъеси гьамси тухумлизи хлебагъахурли заманалис пайдалабарес багъандан цархил секлалра сасес асухебирар. Заманаличир чардарес хейрни балули, чебаллис арц сайсни – бунагъ саби. Илкьяйдали бунагъ саби чардарес хейрусиллизи чебаллис арц деднира, чардарес хейрни балукъи тлалабдирули, ил увяхъивирес багъандан.

Ураркъни балукъира, рурсиличи сукникайзни – бунагъ саби.

Сихру дирнилич, жура-журала(някъби хлясибли, картабачил ва цархил тяхъарли) палдуршнилич бурсибирни – бунагъ саби.

Бунагъласи баркьуди барахъес цархил гьирирни, масала, держла бержахъес, – бунагъ саби.



Сабаб агарли гьягниси мерличир бикьридеш дирнилизивад гелумилзнира бунагъ саби. «Ас-саламу-гьялайкум» ибси саламлис сабабагарли жаваб чархлебатни – бунагъ саби.



**Хияблар хисаб-суал хедирути адамтала кукъя лебсив?**

Хисаб-суал балугълабаибти лебил адамтас дирути сари, идбагунас, шагъидунас, сиддикъинтас, къявгала изайзибад, канила изайзибад, жумягI дуги яра жумягI бархIи бебкIибтас ахIенси, ва убкIуси сягIятлизив «ал-Ихлас» (Къулгъу) белчIунсилис ва гъар дуги калхъухIели сура «ал-Мулк» яра сура «ас-Сажда» бучIусилис ахIенси. ДекIарли буралли, илди сураби дучIнила пайдаличила багъурмадан, илди сураби дучIес вехIихъес гIягIниси сай адам гъар дуги дучIес хIейаллира, вегIла гIямрула имцIатигъунти дугурбазиралра. Ил пикри цацабехI гIялимтала саби, амма цацабехIти гIялимти бикIули саби (ва ил пикри бархъисгъуна дирхалачебли саби) идбагуни ва шагъидуни ахIенти лебилра камти диалра хIисаб-суаллизи биркути саби или. («ТухIфатуль мухIтадж»).

**Хиджаб бихули кахIелунси ва ил мекълис гIергъи бихуси рурсиличи хъайчикайэс асубируу?**

ШаригIят хIясибли хъаллабирухIели илгъуна шартI лебси ахIен, цархIилти шуртIри тамандирули гIергъи, хъайчикайэс асубируси саби, амма илини иргъахъуси ахIен хиджаб лехибни багъандан иличиб бунагъ агни. Лерилра анцIбукъуназир ил дяхIра някъбира ахIенти лерилра биркIанти кIапIдарили риэс гIягIниси сари.

**Мадала яра махражла хIурпри хIедалули яра Къуръаннизибад цалра хIярп хIебалули виалли илис арцIис Къуръан белчIес асубирусив?**

Адамли Къуръан бархIли белчIес хIейрули виалли, илис, сунес суненицунра ахIи, арцI сасили цархIиллизи ил белчIесра асухIебарар. Эгер сунени делчIес хIейрути аятуназир сунени дурес хIейрути яра далкIли дурути хIурпри лерхIедиалли, белчIес асубируу. («ТухIфатуль мухIтадж»).

**Лагълис ихтияр лебсив мижитуназив цаибил къяйлизи калзес ва лерил секIал гIяхIил дучIес балути азадти адамти лебси мижитлизив имамли виэс?**

Азадси адамлис къяйда лагълисра асубируси саби цаибти къяяназив дехIибайчи калзес ва, азадти адамти лебли хъалли, илис асубируу мижитла имамли виэс, эгер илини «аль-ФатихIя» сура ва ташахIхIуд (аттахIият) дархIли делчIес балули виалли. («ТухIфатуль мухIтадж»).

**Гъар бархIила гIямрулизив мурид селичила пикриикIес гIягIниси: Аллагъличила яра устазличила?**

ХIясан-афандини бурни хIясибли, ил Аллагъличила ﷻ ва устазличила пикриикIес гIягIниси сай. Идбагла ﷺ икъалачибанира мурталра илкъяйда бирусири, сенкIун бурили саби илдани сегъуналра анцIбукъулизиб Аллагъла расулличила ﷺ хъумургути ахIенри ва мурталра иличила гъайбикIутири или. Нушала этикалира ил тяхIяр даимбирули саби, сенкIун устаз Идбагла ﷺ букъур сай. («ТухIфатуль мухIтадж»).

**Урусунала (бусурманти ахIентала) муръаличи вашес асубирусив?**

Бусурман адамлис бусурман ахIенси адамла муръаличи укъес асубируси саби, эгер вебкIибси бусурман адамла тухум, унра, яра гъалмагъ виалли. Амма вебкIибси бекIлил тьянишли ахIенси адам виалли, укъес асубируси ахIен.



**Чи сайсив лагъ ва илис ХIяжлизи укъес асубирусив?**

Лагъ – ил азаддеш агарси ва сунела хужаимла аризив виэс гIягIниси адам сай. Лагъ ХIяжлизи укъес вирар, эгер илис сунела хужаимли ихтияр бедалли.

**Лагълис ихтияр лебсив азадси рурсиличи хъайчикайэс?**

Илис чили-биалра рурси редалли, асубируси саби.

**Дила гъалмагълис Исламла диннизив виэс дигули сай, амма ил секъяйда диннизи левкусил нуни балули ахIенра. Се баралли гIяхIсира? Нуни илис кумекбарес хIейасли, наб бунагъ биуру?**

Цаибилгъуна, илизи селра иргъахъес хIяжаддеш лебси ахIен, цархIилван буралли, илис Ислам къабулбарес дигули виалли, шагъадат буралли баибси саби — «Ашгъаду алла илагъа илла ллагъ ва ашгъаду анна МухIаммад расуллагъ», илхIели шагъадатла мягIнара къантIли шурбалтули. Шагъадат бурниличил ил бусурман ветарар, илала гIергъи ил дуб-дубли Исламла тяхIяр-къяйдаличи бурсиварая.

**Машинала ухIна кайили дехIибала дирес асубируу?**

Къяшмачи тIашизес ва КягIбала шайчи кайзес вируси бусурман адамли дехIибала хIера илкъяйда тIашли дирути сари. Ташли уэс ахъри агарсини дехIибала кайилира дарес вирар. Ил баресра имкан агарсили кайхъира вирар дехIибала дарес, шайчи кайхъи, ил баресра хIейралли, къакъличи кайхъира дарес вирар. Суннатла дехIибулти кайили яра шайчи кайхъи даресра асубируси саби.

**Дазала детхIеуртази халдируттив, эгер ицутти биркIунтачиб шин чехIедалтуси крем лебли биалли?**

Таманти ва таманни ахIенти дазала дирни-ла шартI саби ицутти биркIантаци шин чехIейгахъуси салра агни, шин ицуси камличи даили диэс гIягIнити сари. Ил багъандан, крем шин камличи дIънилис диргалабулхъули биалли, дазала детхIерар, гъарлимарти хIедитар.

**ДАГЕСТАНСКИЙ ИСЛАМСКИЙ УНИВЕРСИТЕТ  
И  
МЕДРЕСЕ ИМЕНИ ШЕЙХА МУХАММАД-АРИФА  
Объявляют прием абитуриентов на очередной 2011/ 12 учебный год**



объявляют прием абитуриентов на очередной 2011/12 учебный год. Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

**ПРОДОЛЖИТЕЛЬНОСТЬ ОБУЧЕНИЯ:**

- ✓ в Дагестанском исламском университете – 5 лет.
- ✓ в медресе – 3 года.

**ПЕРЕЧЕНЬ ДОКУМЕНТОВ:**

- ✓ нотариальная копия документа об образовании;
- ✓ копия паспорта – 2 шт.;
- ✓ фотокарточки размером 3/4 в количестве пяти штук;
- ✓ медицинская справка Ф 086;
- ✓ прививочный сертификат Ф 156/93-у;
- ✓ рекомендация от преподавателя осуществляющего религиозного обучения, либо от руководителя мечети (имама), расположенной по месту жительства абитуриента.

Прием документов с 1 июня по 20 августа.

г. Махачкала, ул. Дахадаева, 136

Наш адрес:

тел:  
8 (8722) 67-55-08

**ДехIибайчи кадизурхIели «аманту» белчIи гIергъи «Аллагъ ца сай, МяхIяммад Расул» хIекъси сай, Аллагъла юрт КягIба саби ва Къуръан гъабкъяна саби» эс асубирусив?**

«Аллагъ ца сай, МяхIяммад Расул» хIекъси сай, Аллагъла юрт КягIба саби ва Къуръан гъабкъяна саби» эс гIягIнидеш агара, амма илкъяйда адалли, хIушаб кери биур.

**Рузнама**

**Июль**

дни	Утрений Ас-СубхI	восх.	Обеден. Аз-Зугър	После-обеден. Аль-ГIаср	Вечерн. Аль-Магъриб	Ночной Аль-ГIишаъ
1	2:59	5:11	12:59	17:02	20:36	22:29
2	3:00	5:12	13:00	17:02	20:36	22:29
4	3:02	5:13	13:00	17:02	20:36	22:28
6	3:04	5:14	13:00	17:02	20:35	22:27
8	3:07	5:16	13:01	17:02	20:34	22:26
10	3:10	5:17	13:01	17:02	20:33	22:25
12	3:12	5:19	13:01	17:02	20:32	22:24
14	3:15	5:20	13:01	17:02	20:31	22:23
16	3:18	5:22	13:02	17:02	20:30	22:22
18	3:21	5:24	13:02	17:02	20:28	22:21
20	3:25	5:25	13:02	17:02	20:27	22:19
22	3:28	5:27	13:02	17:01	20:25	22:17
24	3:31	5:29	13:02	17:00	20:23	22:14
26	3:35	5:31	13:02	17:00	20:21	22:11
28	3:38	5:33	13:02	17:00	20:19	22:08
30	3:42	5:35	13:02	16:59	20:17	22:04